

嶺南詩存

嶺南詩存

鄒崖逋者鈔讀

天蘇閣逸史校

五古

張九齡

傳略見五絕

秋晚登樓望南江入始興郡路

潦收沙衍出。霜降天宇晶。伏檻一長眺。津途多遠情。思來江山外。望盡煙雲生。滔滔不自辨。役役且何成。我來颯衰鬢。孰云飄華纓。瀝馬苦踈跼。籠禽念遐征。歲陰向晚晚。日夕空屏營。物生貴得性。身累由近名。內顧覺今是。追歎何時平。

曲江五古沈鬱
機茂篇篇佳妙

數僅
首錄

始興南山下有林泉常卜居焉荊州臥病有懷此地

江案
坐曲

府引
周子諒左遷荊州大都督
長史遂相李林甫仙客

出處各有在何者爲陸沈幸無迫賤事聊可祛迷襟世路少夷
坦孟門未嶇嶽多慙入火術常惕履冰心十跌不自保萬全焉
可尋行行念歸路渺渺惜光陰浮生如過隙先達已吾箴敢忘
邱山施亦云年病侵力衰在所養時謝良不任但憶舊棲息願
言遂窺臨雲間目孤秀山下面清深蘿蔦自爲幄風泉何必琴
歸此老吾老過當日千金

感遇一

蘭葉春葳蕤。桂華秋皎潔。欣欣此生意。自爾爲佳節。誰知林棲者。聞風坐相悅。草木有本心。何求美人折。

其二

幽林歸獨臥。滯慮洗孤清。持此謝高鳥。因之傳遠情。日夕懷空意。人誰感至精。飛沈理自隔。何所慰吾誠。

其三

魚遊樂深池。鳥棲欲高枝。嗟爾蜉蝣羽。薨薨亦何爲。有生豈不化。所感奚若斯。神理日微滅。吾心安得知。浩嘆楊朱子。徒然泣路歧。

其四

孤鴻海上來。池潢不敢顧。側見雙翠鳥。巢在三珠樹。矯矯珍木
顛。得無金丸懼。美服患人指。高明逼神惡。今我遊冥冥。弋者何
所慕。

孤鴻二句自喻側
見二句喻時相側

其五

吳越數千里。夢寐今夕見。形骸非我親。衾枕卽鄉縣。化蝶猶不
識。川魚安可羨。海上有仙山。歸期覺神變。

其六

西日下山隱。北風乘夕流。燕雀感昏旦。簷楹呼匹儔。鴻鵠雖自
遠。哀音非所求。貴人棄疵賤。下士嘗殷憂。衆情累外物。恕己忘
內脩。感歎長如此。使我心悠悠。

其七

江南有丹橘。經冬猶綠林。豈伊地氣暖。自有歲寒心。可以薦嘉客。奈何阻重深。運命推所遇。循環不可尋。徒言樹桃李。此木豈

無陰。

此首
自喻

其八

永日徒離憂。臨風懷蹇修。美人何處所。孤客空悠悠。青鳥跂不至。朱鸞誰云浮。夜分起躑躅。時逝曷淹留。

其九

抱影吟中夜。誰聞此嘆息。美人適異方。庭樹含幽色。白雲愁不見。滄海飛無翼。鳳凰一朝來。竹花斯可食。

其十

漢上有游女。求思安可得。袖中一札書。欲寄雙飛翼。冥冥愁不見。渺渺徒緘憶。紫蘭秀空蹊。皓露奪幽色。馨香歲欲晚。感歎情何極。白雲在南山。日暮長太息。

喻羣賢

其十一

我有異鄉憶。宛在雲溶溶。憑此目不覩。要之心所鍾。但欲附高鳥。安敢攀飛龍。至精無感遇。悲惋填心胸。歸來扣寂莫。人願天豈從。

其十二

閉門跡羣化。憑林結所思。嘯歎此寒木。疇昔乃芳蕤。朝陽鳳安

在日暮蟬獨悲。浩思極中夜。深嗟欲待誰。所懷誠已矣。既往不可追。鼎食非吾事。雲山嘗我期。胡越方杳杳。車馬何遲遲。天壤一何異。幽默臥簾帷。

敘懷

弱歲讀羣史。抗迹追古人。被褐有懷玉。佩印從負薪。志合豈兄弟。道行無賤貧。孤根亦何賴。感激此爲鄰。

雜詩 錄二

孤桐亦胡爲。百尺旁無枝。疏陰不自覆。脩幹欲何施。高岡地復迥。弱植風屢吹。凡鳥已相噪。鳳凰安得知。

良辰不可遇。心賞更蹉跎。終日塊然坐。有時勞者歌。庭前攬芳

蕙江上託微波。路遠無能達。憂情空復多。

九月九日登龍山

郡庭常窘束。涼野求昭曠。楚客懷秋時。桓公舊臺上。清明風日好。歷落江山望。極遠何蕭條。中留坐惆悵。東彌夏首闊。西拒荆門壯。夷險雖異時。今古豈殊狀。先賢渺不接。故老猶可訪。投弔傷昔人。揮斥感前匠。自爲本疏散。未始忘幽尚。際會非有欲。往來是無妄。爲邦復多幸。去國殊遷放。且泛籬下菊。還聆郢中唱。灌園亦何爲。於陵乃逃相。

登郡城南樓

閉閣幸無事。登樓聊永日。雲霞千里開。洲渚萬形出。澹澹澄江。

漫飛飛。度鳥疾。邑人半。艦艦津。樹多楓。橘感別時。已屢憑眺情。
非一遠懷不我同。孤興與誰悉。平生本單緒。邂逅承優秩。謬忝
爲邦寄。多慚理人術。駑鈍雖自勉。倉廩素非實。陳力倘無效。謝
病從芝朮。

郡齋云簾風落鳥毳窗葉
掛蟲絲佳句乃近晚唐矣

歲初巡屬縣登高安南樓言懷

山城本高峻。憑高結層軒。江氣偏宜早。林英燦已繁。餘滋含宿
霽。衆妍在朝暾。拂衣釋簿領。伏檻遺紛喧。深俯東溪澳。遠延南
山樊。歸雲納前嶺。去鳥投遙村。目盡有餘意。心惻不可諉。竭來
彭蠡澤。載經敷淺原。春及但生思。時哉無與言。不才叨過舉。唯
力酬明恩。美化猶寂蔑。迅節徒飛奔。雖無成立效。庶以去思論。

行復徇孤迹。亦云吾道存。

郡舍南有園畦雜樹聊以永日

爲郡久無補。越鄉空復深。苟能秉素節。安用叨華簪。卻步園畦裏。追吾野逸心。形骸拘俗吏。光景賴閒林。內訟誠知止。外言猶匪忱。成蹊謝李逕。衛足感葵陰。榮達豈不偉。孤生非所任。江城何寂歷。秋樹亦蕭森。下有北流水。上有南飛禽。我願從歸翼。無然坐自沈。

荊州作

曲江以論李林甫引用牛仙客事
貶荊州長史逾年乞歸展墓卒

先達志其大。求意不約文。士伸在知己。已况事於君。微誠夙所尚。細故不足云。時來忽易失。事往良難分。顧念凡近姿。焉欲殊

常勳亦以行則是。豈必素有聞。千慮且猶失。萬緒何其紛。進士
苟非黨。免相安得羣。衆口金可鑠。孤心絲共焚。意忠仗朋信。語
勇同敗軍。古劍徒有氣。幽蘭祇自熏。高秩向所忝。於義如浮雲。
千載一遭遇。往賢所至難。問余奚爲者。無階忽上搏。明聖不世
出。翼亮非苟安。崇高自有配。孤陋何足干。遇恩一時來。竊位三
歲寒。誰謂誠不盡。智窮力亦殫。雖致負乘寇。初無挾術鑽。浩蕩
出江湖。翻覆如波瀾。心傷不材樹。自念獨飛翰。徇義在匹夫。報
恩猶一殮。况乃山海澤。效無毫髮端。內訟已慚沮。積毀今摧殘。
胡爲復惕息。傷鳥畏虛彈。

在郡秋懷

錄一

庭燕生白露。歲候感遐心。策蹇慙遠途。巢枝思故林。小人恐致寇。終日如臨深。魚鳥好自逸。池籠安所欽。挂冠東都門。採蕨南山岑。議道誠愧昔。覽分還愜今。憮然憂成老。空爾白頭吟。

題畫山水障

心累猶不盡。果爲物外牽。偶因耳目好。復假丹青緣。嘗抱野間意。而迫道中緣。塵事固已矣。秉意終不遷。良工適我願。妙墨揮巖泉。變化合羣有。高深侔自然。置陳北堂上。倣像南山前。靜無庭戶出。行已茲地偏。萱草憂可樹。合歡忿益蠲。所因本微物。况乃憑幽筌。言象會俱泯。意色聊自宣。對玩有佳趣。使我心渺綿。

陳

陶

劍浦人。少游學於長安五代時。南唐昇元中。來奔。隱居。

不姓
知名
所徙
終去

懷仙吟

丹陵五牙客。昨日羅浮歸。赤斧尋不得。煙霞空滿衣。試於華陽
問。果遇三茅知。采藥向十洲。同行牧羊兒。十洲隔八海。浩渺不
可期。空留雙白鶴。巢在長松枝。

雲溪古流水。春晚桃花香。憶與我師別。片帆歸滄浪。滄浪在何
許。相思淚如雨。黃鶴不復來。雲深別離處。石渠清泠泠。三見菖
蒲生。日夜勞夢魂。隨波注東溟。空懷別時惠。長讀消魔經。

在晚唐中

格調
高獨

邵

謁

晚唐時翁源人少爲縣吏令有客至使搗牀不成令
怒將杖之棄役去截其髮懸於縣門曰苟學不令

子如此髮性由是剛是躁詩多刺書爲事以司是所薦隸第國

苦別離

十五爲君婚。二十入君門。自從入門後。見君長出門。朝看相送人。暮看相送人。若遣折楊柳。此地樹無根。願爲陌上土。得作馬蹄塵。願爲曲木枝。得作雙車輪。安得太行山。移來君馬前。

望行人

登樓恐不高。及高君已遠。雲行郎不行。雲歸郎不返。嗟嗟樓上人。望望不相近。若作轍中泥。不放郎輪轉。白日下西山。望盡妾

腸斷。

成自歎又句惡命如漏卮滴賀籍不籠實皆戛戛徒有造絲似終年不

釋大顛

俗姓楊氏初居羅浮山後歸潮陽靈山韓愈言其聰

爲衣別服

卽事

巖前獨靜坐。圓月當天耀。萬象影耀中。一輪本無照。廓然神自

清。含虛洞玄妙。因指見其月。月是心樞要。大顛釋名而儒行昌黎南譎與交甚懽

清遠道士

虎邱題石

我本長殷周。遭罹歷秦漢。四瀆與五嶽。名山盡幽竄。及此寰區中。始有近峯玩。近峯何鬱鬱。平湖彌渺漫。吟挽川之陰。步上山之岸。山川共澄澈。光采交凌亂。白雲翳欲歸。青松忽消半。客去

川。島。靜。人。來。山。鳥。散。谷。空。中。見。石。崖。幽。晚。非。旦。聞。子。盛。遨。遊。風。
流。足。詞。翰。嘉。慈。好。松。石。一。言。常。累。歎。勿。謂。余。鬼。神。忤。君。共。賞。贊。

顏真卿愛此詩為刻巖石間因和之云高清遠
峽文聚斗牛津李德裕皮日休陸龜蒙皆奇而和之

余靖傳略見五律

山寺獨宿

柴車走縣封。窮途秋耿耿。急雨失溪聲。殘燈淡窗影。驅馳下土
身。淒涼旅人景。山寒夢難成。始識今夜永。

孫贊傳略見五絕

別弟

離離原上草。歲晚霜雪滋。與子為兄弟。生逢世亂離。漂蕩各分